

Auzitegi Gorenak ere absolbitu egin du Saenz de Ynestrillas

Estatuaren ordezkariak eza berretsi du Muguruzaren hilketan

Auzitegi Gorenak bere osotasunean berretsi du Entzutegi Nazionalaren epaia. Hortaz, Ricardo Saenz de Ynestrillas aske geratuko da Josu Muguruzaren hilketan eta Fernando Salasen aurkako atentatu akusazioetatik besteak beste. Epaia Duce poliziaren ordezkari erantzukizuna zuritu dio estatuari.

MADRIL

Espainiako Auzitegi Gorenak Ricardo Saenz de Ynestrillasen askatasuna berretsi zuen atzo. Angel Duce polizia Josu Muguruzaren hilketan eta Fernando Salas abokatuaren aurkako atentatuaren egileak jo eta 98 urteko kartzela zigorrera kondenatu du. Espainiako Auzitegi Gorenak bere epaian adierazten du, legez, ez daukala ahalmenik Entzutegi Nazionalak aske utzitako balizko errudun bat zigortzeko.

Epaia banan-banan ezeztatzen ditu defentsak, fiskalak eta akusazioek aurkeztutako errekursoak. Aldi berean adierazten du Josu Muguruzaren aurkako atentatua eta beste batzuk egin dituen taldea ezin daitekeela erakunde terroristatzat jo.

Dena den bere egunean Entzutegi Nazionalak egin zuen atentatuaren arteko bereizketa arbuia zuen. Auzitegi Gorenaren ustez egin bereiz daiteke ekintza armatu batzuk eta besteak. «Ekintza terroristen artean bereiztea eta bidea ematea balizko ekintza 'justizieroei' erabat onartezina da», Auzitegi Gorenaren ustez



Saenz de Ynestrillas eta Angel Duce epaiketan.

EFE

ekintza armatu guztien helburua «estatu demokratikoaren ahulezia erakustea eta estatu kolpe bat ahalbideratzea litzateke, aitzakiak emanez eta balizko aterabideak eskainiz».

Eztabaida puntu garrantzitsua gertatu zen epaiketan estatuaren ordezkari erantzukizunarekin, Duce polizia nazionala baitzen eta Muguruzaren aurkako atentatua egiteko armak Chamberiko komisaldegitik hartuta baitzeuden. Akusazio partikularrek estatua ordezkari erantzule izendatu eta hildakoaren senidei dagokien indemnitazioa ordaintzea eskatu zuten. Epaia ordea ez du estatua zigortzen, atentatua egin zuten unean zerbitzutik kanpo zegoela eta ez zuela berari dagokion arma erabili.


Epaia ez du aintzat hartu Entzutegi Nazionalak oinarritzko eskubideak hautsi zituela eta epaitegi horrek emandako epai guztiak berretsi ditu. Epaitegiak

kontraesankortzat jotzen du delitu txikiak epaitzeko bi auzitegi dauden bitartean, delitu garrantzitsuak behin bakarrik epaitu ahal izana.

HB: «OSO LARRIA DA»

Herri Batasunaren ustez «oso larria» da Auzitegi Gorenaren epaia. «Espainiako» Justiziak Ynestrillas bezalako hiltzaile bat zigorgabe gelditzea baimentzen du, eta gainera Estatutik datorren biolentzia politikoak sistemaren kontrako beste ekintza batzuk duten erantzun bera ez izatea onartzen da» adierazi zuen atzo HBk.

Alcala kasuko epaia «demokrata guztien kontrako iraina» dela uste du HBk. «Agerian uzten du gainera», dio, «Estatu espainiarrean ez dagoela ez berme juridikorik ez legearen aurreko berdintasunik, eta are gutxiago Botere Judizialaren independentziarik».



Txemi Gorostiza.

SIMAL

Elkarriketa horretan ETari espetxeetako zuzendarien kontrako atentatuak proposatzea leporatzen dio fiskalak.

'Egin-eko' miaketa salatu du Landak Europako Parlamentuan

STRASBURG

Karmelo Landa Herri Batasunako eurodiputatuak 'Egin' egunkarian egindako miaketa poliziala salatu zuen atzo Europako Parlamentuan, adierazpen askatasunaren eskubidea babesteko txostenaren eztabaida zela eta. Aipatu txostena gaur bozkatu eta onartuko du Parlamentuak.

Landak azaldu zuenez, adierazpen askatasunaren defentsa gaurkotasunezko gaia bihurtu da Europako Komunitatean, «Entzutegi Nazionalak eta bere menpeko Poliziak 'Egin-en' Bilboko eta Hernaniko egoitzak okupatu eta artxiboak eta informazio iturriak bertatik eraman ondoren». Bi aste geroago oraindik ez dagoela 'Egin-eko' ezein kazetaririk inkulpatuta, baina Polizia inkautatutako materialarekin geratu dela gogorarazi zuen Landak.

HBko ordezkariak agurra bidali zien Strasburgeko ganbaran bertan zeuden Javier Salutegi 'Egin-eko' zuzendariari, Joseba Macias Egin Irratiko zuzendariari eta Mar-

txelo Otamendi EGUNKARIAko zuzendariari eta informazio iturrien defentsan lan egitea eskatu zion Parlamentuari.

Halaber, 'Egin' ixtea eskatuz Antoni Asuncion Barne ministroak eta Jose Antonio Agiriano Gobernuak ordezkariak eginiko deklarazioak aztertzea eskatu zion, «demokrata azalez jantzitako otso asko baitago».

Gertakizun hauek EBko Giza Eskubideei buruz prestatzen ari den txostenean aipatzea eskatu zion ere Landak Legebiltzarrari.

Europako Parlamentuak adierazpen askatasuna babesteko txostena bozkatu eta onartuko du gaurko saioan. Txostenak «eskubide konstituzionaltzat» jotzen du adierazpen askatasuna Zuzenbidezko Estatu batean eta ikerketa kazetaritzaren «baliagarritasun demokratikoa» azpimarratzen du. Ildo horretan, kazetariak debekuak eta mehatxuak jasaten dituzten Estatuekiko jarrera zorrotza izatea eskatzen die EBko kideei.

Zinegotzi bati erasotzeagatik errenteriar bat salatu du EAJk

ERRETERIA

EAJk gaitzetsi egin du Errenteriako zinegotzi eta alderdikide batek joan den astelehen iluntzean jaso zuen eraso eta ustezko erasotzaile salatu du Ertzaintzaren aurrean. EAJk jakinarazi duenez, Jose Maria Erkizia zinegotziari eraso egin ziona Unai Gaztesi Odriozola da. EAJren esanetan, «koldar honek, beste batzuekin batera, bizkarretik eraso zion Erkizia zinegotziari eta heroi gisa ihes egin zuen bere ekintza alai eta kementsua burutu ondoren».

Gasteizen bilduko dira Ardanza, Alli eta Valade lehendakariak

GASTEIZ

Jose Antonio Ardanza, Juan Cruz Alli eta Jacques Valade Gasteizen bilduko dira datorren ostiralean, hilak 17, Euskal Autonomi Elkartek, Nafarroak eta Akitaniak sinatutako lankidetzak akordioaren barruan sortutako proiektuak aztertu eta bultzatu asmoz.

Hiru lehendakariak batera, gobernu bakoitzeko Nekazaritza, Lan Publiko, Hiri-gintza eta Merkataritza arduradunak izango dira bileran.

Hain zuzen ere, azpiegiturak, garraio, ingurugiro, kultura eta energia arloetan, besteak beste, EAEk, Nafarroak eta Akitaniak bultzatutako lankidetzak proiektuak aztertu dituzte Gasteizen.

Halaber, 1994ean Koope-razio Fondo Komunean bakoitzak egingo duen diru ekarpena zehaztuko dute hiru ordezkariak. Fondo horren bidez, Akitania, EAE eta Nafarroako agente sozial eta ekonomikoak aurkeztutako mugaz gaindiko proiektuak subentzionatuko dira.

Hamar hilabete eta gero irten da espetxetik Txemi Gorostiza

MADRIL

Txemi Gorostiza abokatuak atzo arratsaldeko ordu bietan irten zen Valdemoroko espetxetik, goizean bere abokatuak milioi bat pezetako (50.000 libera) fidantza ordaindu ondoren. ETA-ekin zerikusia izateaz akusatu zutenetik, hamar hilabete eman ditu preso Gorostizak.

Ezkerreko besoan igeltsua zuela irten zen atzo Gorostiza espetxetik, eta eskuan hiru boltsa zeramala. Zain zituen kazetariak egin nahi izan, eta keinu serioz jasan zituen argazkilaria eta telebistako kamerak bere bila etorri behar zuten. Besoan igeltsua izanaren arrazoiak ez zituen azaldu, ezta datuak ere ez zituen eman.

baloratzeko prentsaurrekorik emango duen ere.

Madrilgo Entzutegi Nazionalak herenegun erabaki zuen Txemi Gorostiza abokatuak milioi bat pezetako fidantzapean aske uztea, bere kontra aurkeztu diren frogak balio dutenentz erabakitzen duen bitartean. Hilaren lehen hasi behar zuen bere kontrako epaiketa baina sine die atzeratu zuen epaileak. Bere abokatuak eskatu zioten Gorostizaren kontrako frogak aztertu zezala. Erabaki hori errekurritu egin zuen fiskalak, baina aintzat ez hartzea erabaki zuen herenegun Entzutegi Nazionalak Gorostizaren askatasuna aginduz.

Txemi Gorostiza euskal preso batzuekin izandako elkarriketa bat medio —grabatu zutena— atxilotu eta espetxeratu zuten.